



TOSHKENT DAVLAT YURIDIK UNIVERSITETI REKTORINING B U Y R U G ' I

08.02.2024

26-um-son

Universitet rektorining 2023-yil 31-maydagi 81-um-son buyrug'i bilan tasdiqlangan Toshkent davlat yuridik universitetining Ichki tartib qoidalariga o'zgartirish va qo'shimchalar kiritish to'g'risida

O'zbekiston Respublikasining "Ta'lim to'g'risida"gi Qonuni, O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son Farmoni hamda 2021-yil 24-dekabrda "Davlat oliy ta'lim muassasalarining akademik va tashkiliy-boshqaruv mustaqilligini ta'minlash bo'yicha qo'shimcha chora-tadbirlar to'g'risida"gi PQ-60-son, "Davlat oliy ta'lim muassasalariga moliyaviy mustaqillik berish chora-tadbirlari to'g'risida"gi PQ-61-son qarorlariga muvofiq

BUYURAMAN:

1. Universitet rektorining 2023-yil 31-maydagi 81-um-son buyrug'i bilan tasdiqlangan Toshkent davlat yuridik universitetining Ichki tartib qoidalariga ilovaga muvofiq o'zgartirish va qo'shimchalar kiritilsin.

2. Ichki tartib qoidalariga kiritilgan o'zgartirish va qo'shimchalar imzolangan kundan boshlab kuchga kiritilsin.

3. Fakultet dekanlari Ichki tartib qoidalariga kiritilgan o'zgartirish va qo'shimchalar haqida talabalarga tushuntirish ishlari olib borsin.

4. Devonxona mudiri (N.Ergashev) mazkur buyruqni tegishli tarkibiy bo'linma rahbarlariga yetkazilishini ta'minlasin.

5. Ushbu buyruq bajarilishini nazorat qilishni o'z zimamda qoldiraman.

Rektor v.v.b.



I.RUSTAMBEKOV

Kiritildi:

Katta yuriskonsult

A.TURSUNOV



Kelishildi:

Devonxona mudiri

N.ERGASHEV



Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Moliya-iqtisod ishlar bo'yicha
prorektor

A.IMINOV



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

SH.SAYDULLAYEV



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

B.MUSAYEV



Bo'lim boshlig'i

S.MAMANAZAROV



Dekan o'rinbosari

B.NORMATOV



Ilmiy ishlar va innovatsiyalar
bo'yicha prorektor

B.XODJAYEV



Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga

D.KAMALOVA



Dekan (Fan nomzodi yoki falsafa do

1. 1-band quyidagi mazmundagi o‘ninchi xatboshi bilan to‘ldirilsin:

“o‘quv intizomi – talabalar (abituryentlar)ga nisbatan mazkur ichki tartib qoidalarining 4-bobida nazarda tutilgan talablar majmui hamda akademik halollik qoidalari”.

2. 55-band “a)” kichik bandi ikkinchi xatboshisi quyidagi tahrirda bayon etilsin:

“talaba (abituryentlar) o‘quv mashg‘ulotlari va nazorat imtihonlarida uzrli sabablarga ko‘ra qatnasha olmaganda, bu haqida darhol dekanatni xabardor qilib, asoslantiruvchi hujjatlarni, uzrli sabablar (holatlar) bartaraf etilgan vaqtdan boshlab 15 ish kuni ichida ariza bilan taqdim etish,”;

3. 55-band “a)” kichik bandi beshinchi xatboshisi quyidagi tahrirda bayon etilsin:

uzrli sabablarga ko‘ra ishga kelmagan xodim tarkibiy bo‘linma rahbari yoki Kadrlar bo‘limini xabardor qilib, ishga chiqqan kuni asoslantiruvchi hujjatlarni taqdim etish;

4. 55-band “a)” kichik bandi quyidagi mazmundagi sakkizinchi xatboshi bilan to‘ldirilsin:

“talaba o‘quv mashg‘ulotlari va nazorat imtihonlari vaqtida xorijiy davlatlarga chiqmoqchi bo‘lganda, bu haqida safarga chiqish kunidan kamida yetti kun oldin fakultet dekanini yozma ravishda xabardor qilish va ruxsat olish (universitet tomonidan akademik almashinuv dasturi doirasida va boshqa masalalarda xorijiy davlatlarga yuborish holatlari bundan musatasno)”;

5. 83-band “a)” kichik bandi quyidagi tahrirda bayon etilsin:

a) talabalar (abituryentlar)ga:

ogohlantirish (fakultet dekani tomonidan):

dars mashg‘ulotlarini uzrli sabablarsiz 18 soatdan ortiq qoldirganda;

o‘quv intizomini va TDYU tomonidan o‘rnatilgan ichki tartib-qoidalarini buzilishi bilan bog‘liq boshqa hollarda.

hayfsan:

dars mashg‘ulotlarini uzrli sabablarsiz 36 soat va undan ortiq qoldirganda;

mazkur Qoidalarning 55-bandi a) kichik bandi sakkizinchi xatboshisi buzilganda;

o‘quv intizomini va TDYU tomonidan o‘rnatilgan ichki tartib-qoidalarini buzilishi bilan bog‘liq boshqa hollarda.

talabalar safidan chetlashtirish:

uzrli sabablarsiz dars mashg'ulotlarini muntazam ravishda 20 kundan (sirtqi ta'lim talabalari 14 kundan) ortiq qoldirganda;

ikki marotaba hayfsan berilgandan keyin talaba tomonidan yana o'quv intizomini va TDYU tomonidan o'rnatilgan ichki tartib-qoidalari buzilganda;

mazkur Qoidalarining 84-bandida belgilangan hollarda;

o'quv intizomini va TDYU tomonidan o'rnatilgan ichki tartib-qoidalarni buzilishi bilan bog'liq boshqa hollarda.